

Na osnovu člana 13. stav 2. alineja 5., Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), člana 70. stav 1. tačka 2, člana 113. stav 3., Statuta Općine Vogošća („Službene novine Kantona Sarajevo“, broj: 3/09 – Prečišćeni tekst, 52/12 i 28/13), Općinsko Vijeće Općine Vogošća, na sjednici, održanoj 30.08.2022. godine, donijelo je

**ODLUKU
O POKRETANJU POSTUPKA PREMA DUŽNICIMA OPĆINE VOGOŠĆA ZA
IZMIRENJE GLAVNOG DUGA I TROŠKOVA SUDSKOG POSTUPKA UZ OTPIS
ZAKONSKIH ZATEZNIH KAMATA**

Član 1.

Ovom Odlukom se uređuje postupak u kojem će dužnici Općine Vogošća iskaziti interes za izmirenje potraživanja Općine Vogošća po osnovu glavnog duga i troškova sudskog postupka, uz otpis zakonskih zatezних kamata.

Član 2.

Ovlašćuje se Općinski načelnik Općine Vogošća da raspiše Javni poziv s ciljem iskazivanja interesa fizičkih i pravnih lica, koji imaju neizmirena dugovanja prema Općini Vogošća, da za ista izmire glavnice duga u cjelosti i troškove sudskog postupka u cjelosti, uz otpis zakonske zatezne kamate.

Ova Odluka se odnosi na potraživanja Općine Vogošća po osnovu sljedećih naknada:

- zakupa poslovnih prostorija,
- zakupa javne površine,
- naknade za pogodnost – renta
- naknade za uređenje gradskog građevinskog zemljišta, i
- troškova rušenja objekata.

Član 3.

Javni poziv za iskazivanje interesa za izmirenje glavnog duga i troškova sudskog postupka, objavit će se na Web stranici Općine Vogošća, oglasnoj tabli Općine Vogošća i jednim dnevnim novinama sa rokom trajanja od 30 dana od dana objave u dnevnim novinama.

U javnom pozivu će biti navedeno da zainteresovani dužnici pismo namjere dostavljaju Pravobranilaštvu Općine Vogošća, uz koje prilažu ovjerenu izjavu da će najkasnije u roku od 30 dana od dana zatvaranja Javnog poziva, izvršiti uplatu glavnog duga i troškova sudskog postupka u cjelosti, kao i dostaviti dokaze o izvršenoj uplati.

Član 4.

Ova Odluka se odnosi i na dužnike Općine Vogošća koji su glavni dug i troškove sudskog postupka izmirili do dana donošenja ove Odluke, a koji se mogu obratiti pismom namjere za otpis zakonskih zatezних kamata.

Ukoliko je neko od dužnika, pored glavnog duga i sudskih troškova, izmirio dio dosuđenih zakonskih zatezних kamata, može se kroz ovaj javni poziv obratiti za otpis preostalog dijela kamata.

Dužnici iz ovog člana Odluke, obavezni su da uz pismo namjere dostave i dokaze o izmirenju glavnog duga, troškova sudskog postupka, kao i izmirenog dijela zatezne kamate.

Član 5.

Svi dužnici koji se obrate pismom namjere Općinskom pravobranilaštvu za vrijeme trajanja Javnog poziva i u ostavljenom roku iz člana 3. ove Odluke, izmire svoja dugovanja po osnovu glavnog duga i troškova sudskog postupka, dužni su u Pravobranilaštvo dostaviti dokaze o izmirenju duga i troškova sudskog postupka.

Član 6.

Zadužuje se Općinski načelnik da u saradnji sa Pravobranilaštvom Općine Vogošća, za sve dužnike koji u cjelosti u roku izvrše uplatu glavnog duga i troškova sudskog postupka, kao i za dužnike iz člana 4. ove Odluke, predloži Općinskom vijeću Vogošća na usvajanje odluku o otpisu zakonskih zatezних kamata.

Član 7.

Ova Odluka ni na koji način ne zadire u izvršne isprave, niti utiče na tok bilo kojeg izvršnog postupka, odnosno parničnog postupka koji Pravobranilaštvo Općine Vogošća vodi pred nadležnim sudovima radi namirenja potraživanja Općine Vogošća.

Član 8.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-02-94/22

Vogošća, 30.08.2022. godine

